

**Դրամաշնորհային հաշվետվություն N 1****1. Ընդհանուր տեղեկատվություն**

<b>Ծրագրի անվանում</b>	«Տարեցների և հաշմանդամություն ունեցող անձանց տնային պայմաններում խնամքի ծառայություններ»
<b>Դրամաշնորհի N</b>	Լոտ 6. Երևան - Շենգավիթ
<b>Դրամաշնորհատու կազմակերպություն</b>	ՀՀ աշխատանքի և սոցիալական հարցերի նախարարություն
<b>Դրամաշնորհառու կազմակերպություն</b>	«Առաքելություն Հայաստան» բարեգործական հասարակական կազմակերպություն
<b>Ծրագրի իրականացման ժամանակահատված</b>	05.01.-31.01.2022թթ.
<b>Հաշվետու ժամանակահատված</b>	01.01.-31.03.2022թթ.
<b>Ներկայացման օր</b>	07.04.2022թ.
<b>Հաշվետվության պատասխանատու (անուն, ազգանուն, պաշտոն)</b>	Գայանե Թասալյան թիմ լիդեր

## 2. Բովանդակային հաշվետվություն

2.1 Խնդրում ենք թվարկել աշխատանքային պլանով և պայմանագրի թիվ 1 հավելվածով սահմանված միջոցառումների (այսուհետ՝ միջոցառում) շրջանակում կատարման ենթակա գործողությունները հաշվետու ժամանակահատվածի համար:

Հաշվետու ժամանակահատվածի համար կատարման ենթակա գործողություններն են.

- սոցիալական աջակցության տրամադրում,
- հոգեբանական աջակցության տրամադրում,
- իրավական աջակցության տրամադրում,
- կենցաղային սպասարկում և խնամք,
- բժշկական օգնության տրամադրում, այդ թվում՝ պոլիկլինիկայից դեղորայքի ստացում,
- ազատ ժամանցի, մշակութային միջոցառումների կազմակերպում:

2.2 Խնդրում ենք նկարագրել ծրագրի առաջընթացն՝ ըստ սահմանված աշխատանքային պլանի (Գանտի աղյուսակ) և միջոցառումների, նշելով՝ Ձեր կողմից իրականացված գործողությունները և ստացված արդյունքները հաշվետու ժամանակահատվածի համար: Որքանով են նշված գործողությունները նպաստել տվյալ ծրագրի խնդիրների/նպատակի իրականացմանը

- Սոցիալական աջակցության տրամադրման շրջանակներում սոցիալական աշխատողի կողմից հաշվետու ժամանակահատվածում իրականացվել է թվով 95 կարիքի գնահատում և վերագնահատում: Սոցիալական աշխատողի կողմից իրականացված տունայցերի ընթացքում աջակցություն է տրամադրվել թվով 95 շահառուի, ներառյալ 11 դեպքի վարման իրականացում, («Ընտանեկան նպաստ» համակարգում վերահաշվառման կազմակերպում, նոր անձնագրի ձեռք բերման կազմակերպում, հաշմանդամության խմբի ձեռք բերման կազմակերպում), 30 շահառուի համար տեղեկանքի ձեռք բերում անապահովության միավորի վերաբերյալ ՄՍԾՏԿ-ից, 46 ուղղորդում, միջամտություն/միջնորդում այլ կառույցներ:
- Իրավական աջակցության շրջանակներում շահառուներին շարունակական տեղեկատվություն է տրամադրվել իրենց իրավունքների մասին: Իրավական խորհրդատվություն է տրամադրվել մեկ շահառուի՝ կենսաթոշակի անվճար տուն առաքման ծառայությունից օգտվելու վերաբերյալ:
- Կենցաղային սպասարկման և խնամքի ծառայություններից օգտվել է թվով 75 շահառու: Հիմնվելով գնահատված կարիքների և շահառուի ինքնասպասարկման կարողությունների գնահատման վրա՝ շահառուներին տրամադրվել են հետևյալ ծառայությունները՝ աջակցություն անձնական հիգիենայի պահպանման հարցում, աջակցություն բնակարանի մաքրության պահպանման հարցում, աջակցություն գնումների իրականացման հարցում, անհրաժեշտության դեպքում ուղեկցում՝ գնումների, զբոսանքի կամ շահառուի կարիքի բավարարման նպատակով համապատասխան այլ վայր:
- Բժշկական օգնության տրամադրման շրջանակներում իրականացվել է թվով 95 շահառուի համար տունայց՝ ուղղված շահառուների առողջական վիճակի վերահսկման, տանը առկա դեղորայքի պիտանելիության ժամկետի ստուգմանը: Հաշվետու ժամանակահատվածում անվճար դեղորայքի իրավունք և տեղաշարժման սահմանափակում ունեցող թվով 38 շահառուի համար բուժքրոջ կողմից կազմակերպվել է պոլիկլինիկայից դեղորայքի ստացում և փոխանցում շահառուին, ինչպես նաև թվով 7 շահառուի ուղեկցում բժշկական հաստատություններ:

- Ազատ ժամանցի, մշակութային միջոցառումների կազմակերպման շրջանակներում կազմակերպվել է թվով 2 միջոցառում՝ որին մասնակցել է 9 շահառու.
  - Ծննդյան օրերի նշում. Գեղեցիկ գարնան սկիզբ՝ համեմված հոբելյանական տարեդարձերով: Միջոցառում, որն իր շուրջն էր համախմբել Շենգավիթ համայնքի տարեցներին: Զարթոնք, ապրելու ու ապրեցնելու մոտիվացիա, գեղեցիկ կատարումներ՝ հուզմունքից և ուրախությունից բխած:
  - Կանանց տոներին նվիրված միջոցառումները շարունակվում են, այս անգամ շահառուների համար գեղեցիկ միջոցառում էր կազմակերպվել Շենգավիթ վարչական շրջանի համայնքապետարանի աշխատակիցների հետ համատեղ: Տարեցներին շնորհավորելու էին եկել նաև թիվ 5 մշակույթի կենտրոնի սաները:

**Խնդրում ենք նշել հաշվետու ժամանակահատվածում մշակված նյութերի համացանցում տեղադրված հղումները՝ առկայության դեպքում (օրենսդրական առաջարկություններ, համառոտագրեր, հաշվետվություններ, մեդիա պրոդուկտներ և այլն)**

Համացանցում տեղադրվել է 2 նյութ.

**Առաջին** նյութը վերաբերվում ծննդյան օրվա նշմանը

[https://www.facebook.com/permalink.php?story\\_fbid=pfbid0fP4atUtkjFgB8HQEhHVVuK7SouZ6JAqKFLEwgLioT22aQZCkQyLNm5bRtqFX1UJNl&id=183020695806046](https://www.facebook.com/permalink.php?story_fbid=pfbid0fP4atUtkjFgB8HQEhHVVuK7SouZ6JAqKFLEwgLioT22aQZCkQyLNm5bRtqFX1UJNl&id=183020695806046) ):

**Երկրորդ նյութը՝** կանանց միջազգային օրվա նշմանը

<https://www.facebook.com/183020695806046/posts/1148385362602903/> )

**2.3 Խնդրում ենք ներկայացնել հաշվետու ժամանակահատվածում քաղած դասերը և/կամ ծագած խնդիրները, որոնք խոչընդոտել են ծրագրի գործողությունների իրականացմանը:**

Հաշվետու ժամանակահատվածում խնդիրը, որին բախվել է Շենգավիթի համայնքը սպասարկող թիմը՝ տնային սպասարկման շահառուներին միջոցառումների ներգրավման մեջ է. թագավարակի պայմաններում, շահառուները առանց այդ էլ ունենալով տեղաշարժման խնդիրներ՝ հրաժարվում են մասնակցել մշակութային միջոցառումներին: Խոչընդոտ է նաև եղանակային վատ պայմանները:

ՄՍԾՏԿ-ից անապահովության միավորի վերաբերյալ տեղեկանքի ձեռք բերման ընթացակարգում դժվարություն է առաջացրել շահառուի անունից տրված լիազորագրի կարճ (15-օրյա) ժամկետը, ինչպես նաև շահառուից ամեն ամիս դեղորայքի ստացման համար անապահովության մասին տեղեքանք ներկայացնելու պահանջը:

**2.4 Խնդրում ենք թվարկել հաջորդ հաշվետու ժամանակահատվածի համար նախատեսված գործողությունները (կցելով նաև շահառուների ցուցակը):**

Հաշվետու ժամանակահատվածում նախատեսվում է շարունակել իրականացվող հետևյալ գործողությունները.

- սոցիալական աջակցության տրամադրում,
- հոգեբանական աջակցության տրամադրում,
- իրավական աջակցության տրամադրում,
- կենցաղային սպասարկում և խնամք,
- բժշկական օգնության տրամադրում, այդ թվում՝ պոլիկլինիկայից դեղորայքի ստացում,
- ազատ ժամանցի, մշակութային միջոցառումների կազմակերպում:

**2.5 Խնդրում ենք նշել, Ձեր կողմից իրականացված այն գործողությունները, որոնք նախատեսված չեն եղել ծրագրի աշխատանքային պլանով, բայց իրականացվել են ծրագրի նպատակին հասնելու համար:**

Ծրագրի նպատակներին հասնելու համար կազմակերպությունն աշխատակազմի համար սկսել է թրեյնինգների շարք, որոնք նպատակ ունեն բարելավելու աշխատակազմի կարողություններն ու գիտելիքները:

Շենգավիթ համայնքը սպասարկող թիմի բոլոր անդամները մասնակցել են «Հոգեկան առողջության խնդիրները՝ որպես սոցիալ-առողջապահական ոլորտի մարտահրավեր» կարողությունների զարգացման 2 հանդիպումների:

Հաշվետու ժամանակահատվածում «Առաքելություն Հայաստան» կազմակերպության կողմից նախաձեռնվել է հանդիպում Միասնական սոցիալական ծառայության, Աշխատանքի և սոցիալական հարցերի նախարարության, ինչպես նաև գործընկեր հասարակական կազմակերպությունների ներկայացուցիչների հետ՝ ուղղված կառավարության կողմից ֆինանսավորվող դրամաշնորհների շրջանակներում իրականացվող ծրագրերի շրջանակներում շահառուների ուղեգրման ընթացքում առաջացող դժվարություններին: Հանդիպման ընթացքում քննարկվել են համատեղ համագործակցության և առկա խնդիրների հաղթահարմանն ուղղված մեխանիզմների մշակման հետ կապված հարցեր:

ՊԵՏԱԿԱՆ ՄԱՐՄԻՆ	ԿԱԶՄԱԿԵՐՊՈՒԹՅՈՒՆ
ՀՀ աշխատանքի և սոցիալական հարցերի նախարարություն	«Առաքելություն Հայաստան» ԲՀԿ
Նախարարության գլխավոր քարտուղար՝	Նախագահ՝
<hr/>	<hr/>
(ստորագրություն) Ս.Մուրադյան Կ. Տ.	(ստորագրություն) Ե.Մխիթարյան Կ. Տ.